


07 IANUARIE

**ACATISTUL
SF. PROROC
IOAN
BOTEZĂTORUL,
ÎNAINTEMERGĂTORUL
DOMNULUI**



ACATISTIERUL PE IANUARIE-RU



Акафист святому Великому Иоанну, Предтече Господню

Кондак 1

Возбранный свидетелю Христов Иоанне, о тебе Евангелист глаголет: бысть человек послан от Бога, имя ему Иоанн, сей прииде во свидетельство, да свидетельствует о свете, да вси веру имут ему. Темже и мы верующе во Христа по твоему свидетельству: вопием: Радуйся, Иоанне великий пророче Предтече и Крестителю Господень.

Икос 1

Ангел Господень явися отцу твоему стоя одесную олтаря кадилнаго, благовести пречудное твое, крестителю Господень Иоанне зачатие, глаголя: не бойся Захарие: зане услышана бысть молитва твоя, и жена твоя Елисавет родит сына тебе, и наречеша имя ему Иоанн: и будет тебе радость и веселие, и мнози о рождестве его возрадуются, сего ради и мы радующеся приносим ти радостная сице:

Радуйся, радости многим подателю.

Радуйся, печалій злых отгонителю.

Радуйся, человеке от Бога посланный к верным.

Радуйся, свидетельствовавший о свете истинном.

Радуйся, Иереа по чину великаго сыне.
Радуйся, родителей праведных плоде.
Радуйся, гласе вопиющаго в пустыни.
Радуйся, исполненный всякия благостыни.
Радуйся, яко зачатие твое Ангел благовествова.
Радуйся, яко рождество твое многих возрадова.
Радуйся, пред лицем Господним путь
уготовавый.
Радуйся, Иоанне великий пророче Предтече и
Крестителю Господень.

Кондак 2

Видим яко вси концы земли празднуют честное
твое, Иоанне святыи, зачатие, во чреве бо
матернем освящен еси, бысть слово Господне
якоже ко Иеремии и к тебе, прежде неже создах
тя во чреве познах тя, и прежде неже изыити
тебе от матере своея освятих тя: сего ради и мы
празднующе торжество твое, и хваляще тя, поем
Богу: Аллилуиа.

Икос 2

Разумевши Богородица Мариа от Архангела
благовестующа Зачатие твое Иоанне святыи
иде со тщанием во град Иудов, и вниде в дом
Захариин и целова Елисавет, и бысть яко
услыша Елисавет целование Мариино
возрадовался еси младенец во чреве ея. Темже и
мы радостно поем тебе:

Радуйся, во чреве матернем освященный.

Радуйся, прежде рожества Духа Святаго исполненный.

Радуйся, тем же именем от родителей названный.

Радуйся, познавый в ложеснах матерних Создателя своего.

Радуйся, поклонивыйся с радостию пришествию Его.

Радуйся, деннице праведнаго Солнца.

Радуйся, сродниче Господа нашего Иисуса Христа.

Радуйся, яко Духа Свята Елисавет, мати твоя, исполнена.

Радуйся, яко от нея Благословенною в женах Богородица наречена.

Радуйся, яко тебе ради родители твои возвеселишася.

Радуйся, яко мнози Зачатию твоему в старости их чудишася.

Радуйся, Иоанне великий пророче Предтече и Крестителю Господень.

Кондак 3

Силою свыше посланный ангел благовести о зачатии твоем, Иоанне достохвальне, услышав же о сем Захарий отец твой рече: по чесому разумею се, аз бо есмь стар и жена моя заматаревши во днех своих. Отвеща ему Ангел и

рече: аз есмь Гавриил Архангел, предстояй пред Богом и послан естъ благовестити тебе сия: совершившей же ся истинне, усердно Захария возопи Богу: Аллилуиа.

Икос 3

Имуще помышление людие о тайне отца Твоего, Иоанне, Захарии, исходяща от олтаря кадилагнаго нема, разумеша яко видение виде в церкви. Уведавше же по сих радостное твое рождество, мнози радовахуся и радостная тебе приношаху глаголюще:

Радуйся, отроча добродушное и добронасажденное.

Радуйся, детище всякия благодати Божия исполненное.

Радуйся, пречудное рождество свое нам являй.

Радуйся, темже многих увеселяй.

Радуйся, яко с тобою рука Господня.

Радуйся, яко при твоём рождестве великая быша пророчества.

Радуйся, отцу своему благоглаголанье возвративый.

Радуйся, матери поношение отвративый.

Радуйся, при твоём рождестве Пречистая Дева бяше.

Радуйся, и носящая всех Создателя тебе благословляше.

Радуйся, яко отец твой Захария исполнися Духа

Свята.

Радуйся, яко он же и пророчествуя пояше, величая Христа.

Радуйся, Иоанне великий пророче Предтече и Крестителю Господень.

Кондак 4

Бурю внутрь радостную Елисавет имея от игrania твоего, Иоанне, святе во чреве своем, исполнися Духа Свята и возопи гласом велиим к Богородице и рече: благословенна Ты в женах, и благословен плод чрева Твоего, и откуда мне сие да прииде Мати Господа моего ко мне, себо яко бысть глас целования Твоего во ушию моею възыгрался младенец радощами во чреве моем, темже и мы радующеся вопием к Богу:
Аллилуиа.

Икос 4

Слышаша окрест живущии, яко отверзошася уста и язык отца твоего по рождестве твоём, Иоанне всеблаженне, и исполнися Духа Свята и пророчествова глаголя: Благословен Господь Бог Израилев, яко посети и сотвори избавление людем своим, тем же и мы благословяще Господа пославшаго тя, вопием ти глаголюще:
Радуйся, от юности своая в пустыни Господеви послуживый.

Радуйся, вся плотския похоти Бога ради

умертвивый.

Радуйся, вина и пития упоявающего не
вкусивый.

Радуйся, ризу от влас вельблюжих на себе
носивый.

Радуйся, многия люди ко Господу Богу
обративый.

Радуйся, многия языки житием своим
просветивый.

Радуйся, снедь имевый пружие и мед дивий.

Радуйся, во Иордане людей приходящих
крестивый.

Радуйся, фарисеов и саддукеов дерзновенно
обличивый.

Радуйся, покаяние о гресех творити повелевый.

Радуйся, исповедание грехов уставивый.

Радуйся, кающимся Царствие Небесное
известивый.

Радуйся, Иоанне великий пророче, Предтече и
Крестителю Господень.

Кондак 5

Боготечную денницу узревше тя посланни от
Иерусалима, вопрошаху: ты кто еси? И
исповедал еси им, Иоанне премудре, яко несть
аз Христос: но глас вопиющего в пустыни,
исправите путь Господень, аз крещаю вы водою,
стоит же посреде вас, Его же вы не весте, Той
есть грядый по мне, Иже предо мною бысть: мы

же познавше свидетельством твоим Христа,
поем: Аллилуиа.

Икос 5

Видяще отроча пророком вышняго нареченное,
тебе предизбранный Иоанне, о нем же Господь
Иисус рече: яко не веста в рожденных женами
болій. Како недостойный возможет достойно
тебе, Богом похваленнаго похвалити, но
радостію влекоми, тебе радостная приглашаем
поюще:

Радуйся, праведнаго Авраама верна словесем
Господним вернейший.

Радуйся, Исаака ведена к жертве
послушнейший.

Радуйся, Иакова в чадах духовных множайший.

Радуйся, Леввия в племени своем достойнейший.

Радуйся, Иосифа в чистоте краснейший.

Радуйся, Иова в страдании своем
терпеливейший.

Радуйся, Моисея в законе Божиим искуснейший.

Радуйся, Аарона в Божественном чине
святейший.

Радуйся, Елиазара в Божіей помощи
дерзновеннейший.

Радуйся, Иисуса Навина во бранех духовных
крепчайший.

Радуйся, Халева в згляданіи земли обетованныя
величайший.

Радуйся, Иоанне великий пророче, Предтече и Крестителю Господень.

Кондак 6

Проповедника суца покаянию посланни от фарисей вопрошаху тя, что крещаеши, аще ты носи Христос, ни Илия, ни пророк, ты же Иоанне святе, отвечал еси им, глаголя: аз крещая вас водою в покаяние, грядый же по мне креплий мене есть: Его несть достоин сапоги понести, Той вы крестит Духом Святым, темже и мы крещесея от Него поем с тобою яко Богу: Аллилуиа.

Икос 6

Возсиявшее неизреченно, воздержание жития твоего ведяще, удивляемся Иоанне, достойно Ангела бо ты по плоти с человеки на земли живуца разумеваем. Темже и славяще память твою, тебе радостная воспеваем глаголюще: Радуйся, наставниче великий спасению.

Радуйся, приводяй грешных ко исправлению.

Радуйся, чудес Христовых известное похваление.

Радуйся, душ немощных исцеление.

Радуйся, во Иорданской реце грехи омываяй.

Радуйся, благодати Божия сподобляяй.

Радуйся, ангца Божия перстом показавый.

Радуйся, вземлющаго грехи миру

благовествовавший.

Радуйся, крещением весь мир обновляяй.

Радуйся, тем же и разум наш просвещаяй.

Радуйся, всю силу бесовскую сокрушаяй.

Радуйся, силою Христовою верных укрепивый.

Радуйся, Иоанне великий пророче, Предтече и Крестителю Господень.

Кондак 7

Хотя от века не слышанное явити Сын Божий, на Иордан прииде к тебе Иоанне креститися, ты же возбраняше Ему глаголя: аз требую от Тебе креститися, и ты ли грядеши ко мне; отвечава же ти Иисус рече: остави ныне, такобо подобно есть нам исполнити всяку правду: мы же, хваляще Бога, тобою крещшагося поем: Аллилуиа.

Икос 7

Новую подавая благодать, человек и Бог явился еси Христос на Иордане Иоанну, рукама бо Он пречистую плоть Твою осязаше; и глас с небесе от Бога Отца свидетельствующ слышаше: сей есть Сын Мой возлюбленный, о Нем же благоволих; сего ради и мы срадующесе тебе вопием:

Радуйся, тройческаго поклонения исповедниче.

Радуйся, единому в тріех лицах Богу истинный поклонниче.

Радуйся, гласа с небесе от Бога Отца
слышателю.

Радуйся, явления любви Отчи к Сыну познателю.

Радуйся, Сына Божія во Иордане крестивый.

Радуйся, верху главы Владычнїя руку
возложивый.

Радуйся, Духа Святаго, яко голубя зрителю.

Радуйся, исхождения Его от Отца на Сына
свидетелю.

Радуйся, всяку правду исполняти послушавый.

Радуйся, правы стези Господни содеявый.

Радуйся, Крещение во оставление грехов
проповедаый.

Радуйся, крестящимся небеса отверста являый.

Радуйся, Иоанне великий пророче, Предтече и
Крестителю Господень.

Кондак 8

Странное видение фарисеев и саддукеев зря,
блаженне Иоанне, грядущих ко крещению, рекл
еси: рождения ехидново! Кто сказа вам бежати
от будущаго гнева; сотворите убо плоды
достойные покаяния, тем же и мы кающесе о
гресех, поем: Аллилуиа.

Икос 8

Весь еси, разумом ангельским, не токмо
человеческим, хваления достоин, Иоанне святе,
ты бо болій пророка: о тебе бо писано есть: се Аз

посылаю Ангела Моего пред лицом Твоим, иже уготовит путь Твой пред Тобою, темже и мы поем тебе таковая:

Радуйся, дерзостнейшей умом Гедеоначуднаго.

Радуйся, сильнейшей духом Самсона сильнаго.

Радуйся, смиреннейшей сердцем Самуилачестнаго

Радуйся, умиленнейшей псалмопением Давида кроткаго.

Радуйся, превосходящей разумом Соломона премудраго.

Радуйся, совершеннейшей ревностью Илии славнаго

Радуйся, сладчайшей друголюбием Елисея щедраго.

Радуйся, известнейшей пророчеством Исаии Богогласнаго

Радуйся, большій терпением Иеремии плачевнаго.

Радуйся, вяцшей видением Иезекииля Богозрящаго.

Радуйся, прозорливейшей умом Даниїла желательнаго.

Радуйся, благонравнейшей Варуха послушливаго.

Радуйся, Иоанне великий пророче, Предтече и Крестителю Господень.

Кондак 9

Всякому естеству Ангельскому равное житие твое видяще Иоанне удивляемся, каковы

похвалы и молитвы ти принесем, от днй бо твоих до сих Царствие Небесное нудится, свидетельствующу Господу, Ему же вернии поем: Аллилуиа.

Икос 9

Вития любомудрыя недоумеют достойно славитья, достойный всякїя славы, предтече Христов и крестителю Иоанне, мы же любовию понуждаеми дерзаем пети тебе таковая:
Радуйся, Ангельское житие являяй нам.
Радуйся, страсти греховныя уставляяй.
Радуйся, образе смирения.
Радуйся, зеркало терпения.
Радуйся, светильниче горяй и светяй.
Радуйся, Солнцу Праведному предходяй.
Радуйся, учителю Божиих заповедей.
Радуйся, исправителю многих людей.
Радуйся, истиннаго наказателю разума.
Радуйся, таинственнаго вразумителю ума.
Радуйся, мирскую славу оставивый.
Радуйся, небесное житие на земли поживый.
Радуйся, Иоанне великий пророче, Предтече и Крестителю Господень.

Кондак 10

Спасти хотя царя Ирода четверовластника, дерзновенно обличил еси, Иоанне святе, жены ради Филиппа, брата его, еяже не подобаше ему

имети: он же спасения не хотя, повеле тя в темницу затворити. Но ты стражда в ней любезно пел еси Богу: Аллилуиа.

Икос 10

Стена и утверждение Иоанне был еси всем иже прихождаху к тебе креститися и вопрошаху ти глаголюще, что сотворим? Им же душеполезное подавал еси учение, еже приемшии вопияху к тебе глаголюще:

Радуйся, премудрый проповедателю.

Радуйся, пресладкий обличителю.

Радуйся, сказавый бежати от грядущаго гнева Божія.

Радуйся, наказавый сотворити плоды достойны покаянія.

Радуйся, милостыню творити поучаяй.

Радуйся, ризы не имущим подавати повелеваяй.

Радуйся, мытарей покаянию научивый.

Радуйся, повеленная им творити наставивый.

Радуйся, воином Богоугодное устроение давай.

Радуйся, довольным быти им своими оброки увещавый.

Радуйся, повелевый им ни кого обижати.

Радуйся, заповедавый друг друга не оклеветати.

Радуйся, Иоанне великий пророче, Предтече и Крестителю Господень.

Кондак 11

Пение благодарственное, гласе Господень
Иоанне крестителю, страждущий в темнице,
принося, слышал еси о делех слова Божия
Иисуса, и послал еси два от ученик своих
вопросити от него: Ты ли еси грядый, или инаго
чаем? Отвещав же Иисус рече има: шедша
вовестиста Иоанови, яже слышаста и видеста,
темже и мы уведевше о сем приносим тому же
Господу пение: Аллилуиа.

Икос 11

Светозарна ты светильника, являя всем свет
миру, Иисус, егда отыдоша ученицы твои, начат
народом глаголати о тебе Иоанне прехвалне, что
изыдосте в пустыню видети, пророка ли? Ей
глаголю вам и лишше пророка, темже и мы
недостойные хвалим ты поюще:

Радуйся, Иосии пророка спасающаго святейший.

Радуйся, Иоиля Боголюбезнаго любезнейший.

Радуйся, Аммоса пастыря долготерпеливейший.

Радуйся, Авдия, раба Господня, достойнейший.

Радуйся, Ионы, голубю тезоименита,
кротчайший.

Радуйся, Наума утешительнаго умиленнейший.

Радуйся, Аввакума, воина крепка, сильнейший.

Радуйся, Софрония стража, добрейший.

Радуйся, Аггея радостнаго благоприятнейший.

Радуйся, Захарии посланника, вернейший.

Радуйся, Иоанне великий пророче, Предтече и Крестителю Господень.

Кондак 12

Благодать покаяния проповедавшую главу твою, благодати тезоименитый Иоанне, усекнувши спекулятор, по повелению злочестиваго Ирода, принесе на блюде, и даде ю девице, девица же матери своей. Слышаша же ученицы твои о сем приидоша и взявше тело твое, положиша е во гробе и возопиша рыдающе к Богу: Аллилуиа.

Икос 12

Поюще вси люди Ангельское на земли, Иоанне, житие твое, Бога Единого в Троице прославляют; и тебе, существу на небесех радостная приносят глаголюще:

Радуйся, поучителю небеснаго жития.

Радуйся, свидетелю Христова пришествия.

Радуйся, пророче честнейший всех пророков.

Радуйся, посланниче Божий славнейший Апостолов.

Радуйся, пустынниче, мирскую честь и богатство возненавидевый.

Радуйся, постниче от юности Богу послуживый.

Радуйся, девственниче душею и телом.

Радуйся, мучениче пресильный мужеством.

Радуйся, исповедниче Господень претихий.

Радуйся, иноком началниче предивный.

Радуйся, душ наших радование.
Радуйся, Иоанне великий пророче, Предтече и
Крестителю Господень.

Кондак 13

О всехвалне пророче, предтече и крестителю
Господень Иоанне, довлеет ти к похвалению
свидетельство самага Господа, яко болий еси
всех пророков. Они бо словесы проповеда вси.
Ты же и перстом показал еси Его глаголя: се
Агнец Божий, вземляй грехи мира. Приемши от
нас похвальныя сия песни умоли Его, да возьмет
от нас прегрешения наша, и сподобит Царствия
Своего, верно вопиющих Ему: Аллилуиа.

[Трижды, затем ик.1, к.1.]

